

sch & partner

ČASOPIS ZA KUPCE



Pogled

Portal za partnere S. 8

Impuls

Domus Line Flexyled AT6 S. 27

U praksi

Lumberjack S. 46

APRIL
1|21



Standardni i normirani elementi kompanije Elesa+Ganter



Širok asortiman proizvoda standardizovanih mašinskih elemenata kompanije ELESA+GANTER se proširuje kroz neprekidni razvoj novih proizvoda.

Kvalitet i usluga zagarantovani!



ELESA+GANTER je prodajno zajedničko ulaganje na svjetskom nivou, formirano radi ponude najšireg asortimana standardnih elemenata za mašinsku industriju. Proizvodi visoke pouzdanosti koji garantuju savršenu funkcionalnost i jedinstven dizajn predstavljaju kodeks kvaliteta po kom se ELESA+GANTER izdvaja.

elesa-ganter.com



DESIGNED
FOR ENGINEERING

Editorial

Poštovani partneri,

Nadali smo se da će dolaskom proljeća epidemiološka situacija postati bolja i da ćemo se početi vraćati normalnom životu, međutim informacije sa terena nam govore drugačije.

U nekim regijama Bosne i Hercegovine su, kao posljedica povećanog broja zaraženih, pojačane zaštitne mjere i dosta djelatnosti nemaju mogućnosti rada. Aktualna tema je cijepljenje i svi sa nestrpljenjem očekujemo da krene masovnija imunizacija, jer se nadamo da bi to moglo dovesti do normalizacije života.

Dobra informacija je da većina firmi iz „naših branši“ i dalje mogu raditi, pa i pored otežanih uvjeta uspijevaju održavati poslovanje. Rokovi za predaju finansijskih izvještaja su prošli i uskoro ćemo vidjeti konkretne pokazatelje kako je završila prošla godina, ali već se može pretpostaviti da će većina firmi, za razliku od firmi iz nekih drugih sektora, zadržati pozitivne trendove i rezultate.

I ova 2021. godina je, po većini pokazatelja, pozitivno krenula i nadamo se da će tako i nastaviti uprkos teškim okolnostima u okruženju. Naravno, svi se prilagođavamo trenutnim uvjetima, a možemo reći da će neke stvari koje smo bili primorani uvesti sigurno ostati u upotrebi i nakon „corona vremena“. Tu prije svega mislim na povećano korištenje modernih tehnologija u poslovanju, kao što su web prodaja i komunikacijski alati (Teams, ZOOM...).

Tako i mi sa većinom naših dobavljača imamo i dalje redovnu komunikaciju, ali na drugačiji način i sve novosti i novi proizvodi redovno dolaze do nas i mi ih prenosimo vama. Naravno, sve to u potpunosti ne može zamijeniti fizički susret, ali kao dobra dopuna će sigurno poslužiti i u budućnosti. U skladu s tim i u ovom broju časopisa vam predstavljamo nekoliko novih proizvoda i mogućnosti koji će sigurno biti interesantni za čitanje ali i za primjenu.

Želim Vam ugodno čitanje i da OSTANETE ZDRAVI.

Ivica Šmigoc, direktor



Impressum:

SCH&partner je samostalan, politički neovisan časopis za prijatelje i poslovne partnere firme Schachermayer. Objava, umnožavanje i prerada objavljenih članaka i slika bez suglasnosti izdavača nije dopuštena. Izdanje 01/2021 Izlazi: tromjesečno Tiraž: 2500 kom Uređivački kolegij: uposlenici Schachermayer d.o.o. Štampa: CPU Printing company Sarajevo Schachermayer d.o.o., Džemala Bijedića 156, Sarajevo, Tel. 033 775 358 Fax. 033 775 330
Sljedeće izdanje: juni 2021

Sadržaj

Pogled

- 6 Servis za kupce
- 8 Portal za partnere
- 10 Pretraživanje web kataloga
- 12 Schachermayer Info
- 15 Virtualno postavljanje podova

Impuls

- 18 SCH noviteti
- 20 Hettich Wingline
- 22 Olakšan rad u kuhinji
- 24 Peka Pleno Plus izvlačni okov
- 27 LED traka Flexyled AT6
- 28 Sve u jednoj prostoriji
- 31 FSB modularni sistem okova
- 32 Eles+Ganter ručke za upravljanje
- 34 Budućnost okova
- 35 Fischer - globalna harmonizacija
- 37 Nada ima šansu
- 38 Vijci za namještaj
- 39 Izbjegnite greške
- 40 SOLA Go! Smart

U praksi

- 44 Luksuzno kampovanje
- 46 Lumberjack



Pogled

Domus Line rasvjeta za ormare K-PAD

- 6** Servis za kupce
- 8** Portal za partnere
- 10** Pretraživanje web kataloga
- 12** Schachermayer Info
- 13** Isporuke i reklamacije
- 15** Virtualno postavljanje podova

Servis za kupce

Šta se krije iza riječi SERVIS? Kako se SERVIS za kupce provodi u Schachermayeru? Općenito se kod SERVISA govori o dodatnim uslugama koja neka firma nudi. Zbog neprekidnog rasta tržišta i osjećaja da postoji bezbroj proizvoda u ponudi, dodatne usluge koje nudimo daju kupcima osjećaj dodatne vrijednosti.

USchachermayeru je usmjerenost prema pružanju usluga kupcima već dugo ukorjenjena. Danas obiteljska firma gradi svoje poslovanje na raznim stupovima, a svi oni stavljaju kupce u centar. Početkom "ofanzive" pružanja usluga 2016. godine, uprava je postavila kamen temeljac za buduće poslovanje, odnosno pružanje dodatnog servisa kupcima.

Usluge u Schachermayeru.

Asortiman obogaćen uslugama
Servis uz proizvod: od javljanja da je stigla roba do rezanja na mjeru.

Digitalna platforma za kupce: Portal za partnere
Veza sa Schachermayerom u svako doba dana.

Učinkovita i pouzdana logistika
Individualan servis pakiranja i brza isporuka.

Kontakt s kupcima preko prodajnih predstavnika
Partnerski zajednički rad i savjetovanje.

Stručno savjetovanje
U prodajno-izložbenom prostoru ili u stručnim odjelima.

Sajmovi i školovanja
Sajmovi i školovanja djelatnika.

Informacije bez granica
Uvijek u tijeku s časopisom za kupce, WEB stranicom i info letcima.

Prijavite se na Schachermayer Newsletter

Budite uvijek u toku. Najnovije informacije na jednom mjestu. Aktualna događanja i novi proizvodi




Mjere zaštite

Schachermayer poduzima sve potrebne mjere zaštite kako bi sačuvao zdravlje svojih kupaca, radnika i poslovnih partnera.



Maska preko nosa i usta



Rastojanje najmanje 1,5 m



Dezinfekcija ruku

**Hvala Vam što poštujete mjere lične zaštite.
Pazite na sebe, svoje kolege i ostanite zdravi!**



100.000 artikala na jednom mjestu

Za obrte, industriju i trgovinu | isporuka za 48 sati

[Idi na asortiman](#)



WEBKATALOG



SCAN



KOŠARICA



SERVISI

Portal za partnere

Redovno koristite naš Portal za partnere za kupovinu u Schachermayer-u? Ukoliko ne, još danas posjetite našu web stranicu i web katalog kako bi se uvjerali kako brzo i jednostavno možete naručiti naše proizvode. Pored kupovine, Portal za partnere nudi još mnogo drugih olakšica.

Autor A. Kahrmanović
Foto SCH



WEBKATALOG

Web katalog - online pretraga i upoređivanje

Web katalog sadrži preko 57.000 artikala, svakodnevno se ažurira, te nudi informacije o cijenama i dostavi kao i dodatne opcije pretrage i mogućnost upoređivanja artikala.



SCAN

Online upravljanje - preko računara i aplikacije

Liste artikala i pripadajuća aplikacija Schachermayer Scan olakšavaju upravljanje proizvodima i skladištem.



KOŠARICA

Košarica - online narudžba u bilo koje vrijeme

Potrebne artikle možete naručiti u bilo koje doba dana, sedam dana u sedmici, putem računara ili pametnog telefona.



SERVISI

Aplikacije - kreiranje etiketa i servisi

Za optimalan pregled direktno na skladišnom mjestu, nudimo mogućnost kreiranja vlastitih etiketa koje možete odštampati i označiti svoja skladišna mjesta. Pored toga, servisi koji su Vam svakodnevno na raspolaganju su tu: pregled naloga, preuzimanje dokumenata, katalogi za listanje i drugi.



Informacije

Ukoliko se još niste registrirali, zatražite svoje korisničko ime kod naših kolega na terenu ili u našem Odjelu za marketing i IT.



Marketing i IT

T. +387 (0) 33 775 357

E. info@schachermayer.ba



Web katalog

webshop.schachermayer.com/cat/hr-BA?lang=hr_BA





Mehanizam aretiranja polica

Sigurno i komforno fiksiranje polica: Kvalitetu življenja ne čini samo dizajn, nego i udobnost. Stoga smo za police s potpunim izvlačenjima razvili praktičan mehanizam aretiranja. Nenametljiv je i štedi prostor, a pritom ladicu čvrsto drži u izvučenom položaju.

www.blum.com

 **blum**[®]

Pretraživanje web kataloga



Pretraga unošenjem teksta



Pretraga filterima




Prvo artikli na stanju

Schachermayer web katalog Vam je uvijek dostupan. Bilo da sjedite za svojim računarom u Vašoj kancelariji ili želite brzi pristup putem pametnog telefona – jedan klik dovoljan je da saznate sve vrijedne informacije o željenom artiklu. U ovom članku ćemo Vam pokazati na koji način ćete pretragom još lakše doći do željenih artikala.

Autor A. Kahrmanović
Foto SCH


Pretraga unošenjem teksta

Tražite artikal unošenjem određenih riječi. Autocomplete funkcija služi kao pomoć i podržava vas pri unosu teksta za pretraživanje.




Pretraga po kategorijama

Odabirom određenih kategorija možete poboljšati rezultate pretraživanja.



Specijalna pretraga filterima


Količina prikazanih artikala korištenjem filtera će se konstantno smanjivati. Simbol lijevka pored grupe proizvoda je znak da je funkcija filtera primjenjiva na tu grupu proizvoda.



Konfiguracija artikala

Opcija sortiranja

Po želji, rezultate pretrage možete sortirati po najboljem rezultatu, učestalosti, datumu objave ili broju artikla.



Web katalog

webshop.schachermayer.com/
cat/hr-BA?lang=hr_BA





Schachermayer Info

Ukratko saznajte sve o aktualnoj situaciji i uticaju na cijene i isporuke naših proizvoda.

Aktuelna situacija na svjetskom tržištu, poremećeni lanci proizvodnje i distribucije u zadnje vrijeme uzrokuju dosta problema sa nabavkom dovoljne količine određenih vrsta roba. Mi pokušavamo našu nabavu i skladište prilagoditi tome i nastojimo imati dovoljne količine na stanju, kako bi ublažili nedostatak pojedinih artikala na tržištu. I pored svih nastojanja, desi nam se da povremeno ostanemo bez nekih artikala i da je rok isporuke nešto duži nego što je to uobičajeno. Nadamo se da će se situacija sa proizvodnjom u narednih nekoliko mjeseci stabilizirati, a do tada vas molimo za razumijevanje za slučaj da neku robu ne dobijete tako brzo kao što ste od nas navikli.

Pored toga, nepredviđen rast cijena, posebno transporta, a i sirovina i repromaterijala, u zadnje vrijeme dovodi do toga da su i naši dobavljači prinuđeni na korekciju cijena svojih artikala.

U posljednje vrijeme gotovo svakodnevno dobivamo informacije od dobavljača o povećanju cijena. Povećanim narudžbama po „starim“ cijenama mi nastojimo maksimalno odgoditi našu korekciju, ali neizbježno je da ćemo morati pratiti negativne trendove poskupljenja.

Zbog širokog asortimana proizvoda i velikog broja dobavljača, nismo u mogućnosti obavijestiti Vas pojedinačno o svakoj promjeni cijene. Iz tog razloga Vas molimo da, u idućem periodu, posebno pratite račune koje dobivate kako bi i Vi mogli prilagoditi svoje kalkulacije i cijene krajnjih proizvoda. U slučaju da se radi o većim količinama ili važnijim projektima, molimo da prethodno tražite ponude. Naše prodajno osoblje će svakako pokušati blagovremeno dati informaciju o konkretnim promjenama.

Nadamo se da ova poskupljenja neće utjecati na našu saradnju, a mi ćemo nastojati još kvalitetnijom uslugom opravdati Vaše povjerenje i ostati pouzdan partner.

Ujedno se zahvaljujemo na povjerenju i korektnoj saradnji u proteklom vremenu i želimo Vam puno uspjeha u daljem radu.



Unutarnje uređenje

T. +387 33 775 339

E. sakib.kaljevic@schachermayer.ba



Građevina - metal - staklo

T. +387 33 775 334

E. dragan.vasilj@schachermayer.ba



Isporuke i reklamacije

Poštovani poslovni partneri,

pored širokog asortimana proizvoda, Vama, našim partnerima želimo i nastojimo pružiti podršku i kroz ostale usluge, pa tako i isporučiti robu na vrijeme i u ispravnom stanju.

Nažalost, i pored truda svih naših uposlenika, dešavaju se i nenamjerne greške (oštećena roba, manjak, zamijenjeni artikli,...). Kako bi u što kraćem mogućem roku mogli riješiti ovakve nedostatke i kako bi i Vaše poslovanje moglo nesmetano funkcionirati, molimo Vas da se podsjetite na proces rješavanja reklamacije.

Sve pošiljke otpremljene sa naših skladišta, nastojimo dostaviti unutar 24 do 48 sati.

Roba naručena sa skladišta Linz isporučuje se u roku 7-10 radnih dana.

Reklamacije

Preuzimanje robe od prevoznika

Molimo Vas da prilikom preuzimanja robe od prevoznika obavezno provjerite broj, odnosno količinu koleta (paketa, bunteva ili paleta) s otpremnice, te ih usporedite s količinom koleta koju ste fizički preuzeli.

U slučaju vidljivih vanjskih oštećenja kod preuzimanja robe od prevoznice firme, posebno osjetljive robe (sudoperi, aluminijski okviri, kante za otpad...), molimo Vas da otvorite koletu te utvrdite da li je roba oštećena. Ako je roba oštećena prilikom transporta ili nisu isporučena sva koleta, to obavezno navedite na prijepoznici, koju je, uz Vas, dužan da potpiše i vozač prevoznice firme.

Prijepoznicu potpisanu s Vaše strane i sa strane vozača pošaljite na naš fax ili mail adresu, nakon čega će uslijediti isporuka ispravne ili zagubljene robe.

Ukoliko ne prijavite oštećenje ili manjak robe u transportu i ne pošaljete prijepoznicu, nažalost nećemo biti u mogućnosti uvažiti Vašu reklamaciju.

Naknadno utvrđene reklamacije

U slučaju reklamacije utvrđene naknadno (višak/manjak/oštećeno/pogrešna roba...), a u roku 8 dana od dana izdavanja računa, reklamaciju pošaljite na fax 033 775 330 ili na naš mail. Molimo Vas da koristite službeni obrazac - Reklamacijski zapisnik, kako bi imali dokumentiranu reklamaciju.

Fotografije su poželjne kod oštećenja, pogotovo kod oštećenja u transportu i znatno olakšavaju i ubrzavaju proces obrade.

U slučaju da narudžbu preuzimate osobno sa skladišta u Sarajevu ili u jednoj od naših poslovnica, molimo Vas da se na licu mjesta uvjerite u količinu i ispravnost preuzete robe.

Status Vaše reklamacije možete zatražiti u bilo kojem trenutku na tel. 033 775 366.

Zahvaljujemo na razumijevanju i dosadašnjoj suradnji te Vas, u nadi još bolje buduće, srdačno pozdravljamo.



Skladište

T. +387 33 775 366

E. ivan.kramar@schachermayer.ba



PLENO PLUS

PRAKTIČAN ORMAR ZA MAKSIMALAN PREGLED I
PRISTUP



WWW.PEKA-SYSTEM.CH

Clevere Innovationen in Schweizer Qualität seit 1964

Virtualno postavljanje podova

Podovi daju karakter prostoru. Ovisno o boji, površini i samom izgledu, stvara se drugačiji doživljaj prostorije. Odabir odgovarajućeg poda je od velikog značaja. Pored toga, prilikom gradnje nekog objekta ili prostorije, teško je zamisliti kako će izgledati postavljeni podovi. Sada je to mnogo lakše: Pomoću aplikacije za virtualno postavljanje podova, za samo tri sekunde možete vizualizirati kako izgleda željeni pod u Vašoj prostoriji.

Autor S. Grammer
Foto SCH, istock/Phaelnogueira

Direktno kod kupca: postavite pod putem pametnog telefona

Otišli ste direktno kod kupca u njegov objekt u izgradnji. Razmjenjujete ideje, prijedloge i postavljate uvjete. Koliko je velika prostorija i za koga je namijenjena? Koji stil je planiran odnosno kakva atmosfera se želi postići? Uzimate svoj pametni telefon, fotografišete dotični prostor i preko linka pristupate aplikaciji za virtualno postavljanje podova. Kupac može direktno na telefonu vidjeti kako različite vrste podova izgledaju u njegovom prostoru. Ukoliko se odluči za određeni pod, možete preuzeti PDF sa svim važnim podacima.

Kupac je u Vašem prodajnom salonu

Vaš kupac dolazi kod Vas, kako bi se raspitao o aktuelnim trendovima u podnim oblogama. Kažite svom kupcu da Vam pošalje fotografiju prostora za koji želi pod. Pristupite Portalu za partnere i u aplikaciju dodajte fotografiju. Zajedno sa kupcem jednim klikom mijenjajte pod i pomozite mu da nađe onaj koji mu najviše odgovara. U Schachermayer asortimanu ćete pronaći podove od različitih vrsta drveta i različitih obrada koje virtualno možete dodati na fotografiju prostora.

Pogledajmo kako izgleda Vaš najdraži pod u Vašoj prostoriji

Vaš kupac zna šta želi. Kupac se već odlučio za određeni pod i nalazi se u web katalogu portala za partnere. Nakon što pronađe željeni pod u web katalogu, može kliknuti na link ispod opisa proizvođača koji će ga direktno navesti u aplikaciju za virtualno postavljanje podova. Tada je potrebno još dodati fotografiju prostora za koji kupac želi pod, dodati je u aplikaciju i odabrati pod za koji se već odlučio. Nakon toga, kupac može vidjeti kako odabrani pod izgleda u njegovoj prostoriji.

Prednosti:

- U samo tri sekunde, pod je postavljen virtualno na bilo koju fotografiju prostora
- Direktna uvid – donošenje ispravne odluke
- Širok izbor podova različitih proizvođača
- Smjer polaganja poda možete promijeniti jednim klikom
- Dodatne opcije filtera
- PDF dokument sa najvažnijim podacima o odabranom podu



Virtualno postavljanje podova
schachermayer.materialo.photo/



Na raspolaganju su Vam različite verzije podova iz našeg asortimana. Aplikacija automatski prepoznava prikladnu površinu za pod i „postavlja“ željeni pod uzimajući u obzir stolice, stolove, biljke i ostali namještaj. Originalno osvjetljenje i sjene ostaju i na taj način nude realnu sliku postavljenog poda. Proces je sljedeći: dodate fotografiju prostorije – odaberete pod i testirate – pogledate kako izgleda u prostoriji – odlučite se za pod koji Vam najviše odgovara.



- 18** SCH noviteti
- 20** Hettich WingLine
- 22** Olakšan rad u kuhinji
- 24** Peka Pleno Plus izvlačni okov
- 27** LED traka Flexyled AT6
- 28** Sve u jednoj prostoriji
- 31** FSB modularni sistem okova
- 32** Eles+Ganter ručke za upravljanje
- 34** Budućnost okova
- 35** Fischer - globalna harmonizacija
- 37** Nada ima šansu
- 38** Vijci za namještaj
- 39** Izbjegnite greške
- 40** SOLA Go! Smart

ELICA napa s indukcijskom pločom NT FIT

Impuls



Foto: Hettich



Hettich TopLine garnitura okova za klizna vrata

TopLine vrhunski okov za klizna vrata koji je osobito pogodan za teška klizna drvena vrata ili vrata s aluminijskim okvirom u spavaćim prostorima. Luksuzno otvaranje i zatvaranje i prvoklasne Silent System performanse. I sve to uz nevjerojatnu širinu područja primjene.

Br.artikla 103312800 - 103312808
103312903 - 103312905



Web katalog

sch-ba.sch.local/topline



Nov
WEBSHOP.SCHA



Foto: Vauth Sagel

Izvlačna kolona VS TAL Rack 15

Izvlačna kolona sa 5 košara za optimalnu iskoristivost prostora za odlaganje. Optimalan pristup i optimalna preglednost.

Br. artikla 103378897



Web katalog

sch-ba.sch.local/vstalrack



Rastomat okov za podešavanje podnica

Okov za podešavanje uzglavlja i podnožja podnice, primjenjiv i za ploče pisaćih stolova podesivih po visini, ležaljke i sve vrste preklopa. Okov se uklapa u sve položaje bez povratnog trzaja. Stabilna konstrukcija, prekomjerno prevlačenje isključeno zahvaljujući čeličnom osiguraču.

Br. artikla 103313458 - 103313459



Web katalog

sch-ba.sch.local/rastomat



Foto: Hettich

miteti

SCHERMAYER.BA

HEKNA cilindar bravice, zamak crni

Cilindar bravice firme HEKNA, u crnoj boji.



Web katalog

<http://sch-ba.sch.local/bravicecrno>



Foto: Hekna

ALPEN kutija svrdla DIN338RN HSS

Spiralna svrdla s vrlo visokim termičkim opterećenjem za bušenje materijala s većim udjelom legure i čvrstoćom većom od 800 N / mm². Prihvat s 3 prirubnice sprječava okretanje u steznoj glavi i osigurava optimalan prijenos okretnog momenta.

Br. artikla 101110913



Web katalog

sch-ba.sch.local/alpenhss



Foto: Alpen





Jedna ideja - mnogo izvedbi

Hettich nam ponovo donosi inovativna rješenja na polju okova za namještaj. Ovaj put predstavljamo mehanizme za preklopna klizna vrata, širokog područja primjene i jednostavne montaže.

Autor S. Abramović
Foto Hettich

Hettich rješenja za preklopna vrata omogućuju zanimljiv, raznolik dizajn fronti. Sa kliznim vratima imate izbor za svoju verziju optimalnog

namještaja. Elementi vrata u gotovo svim veličinama, materijalima i težinama mogu se udobno, sigurno i dugotrajno pomicati.

WingLine L

Sa kliznim okovom WingLine L možete realizirati preklopna klizna vrata u potpuno novoj dimenziji komfora. Vrata težine do 25 kg i visine do 2.400 mm klizni okov WingLine L pokreće pouzdano i sigurno kroz različita područja primjene u spavaćim sobama, kuhinjama ili uredima. Dodatne prednosti su optimizirane osobine klizanja, jednostavna montaža bez alata, kao i minimalno uskakanje vrata za učinkovitiju organizaciju unutarnjeg prostora.

Revolucionarni mehanizam za otvaranje Push / Pull to move čini cjelokupni sadržaj ormara dostupan samo jednim pomicanjem ruke.

Push/Pull to move

Pull to move und Push to move su dva jedinstvena mehanizma za otvaranje sistema preklopnih kliznih vrata.

Laganim povlačenjem ručke ili nježnim pritiskom na frontu (bez ručki) vrata se otvaraju potpuno neovisno i pomiču se prigušeno u otvoreni položaj. Fascinantan učinak otvaranja koji funkcionira čisto mehanički. Dakle, nisu potrebni niti kablovi niti priključak za napajanje.



WingLine L inspirira kada je riječ o individualnom dizajnu interijera - na primjer u nišama.




Prednja strana je otvorena samo ako se perilica i sušilica koriste. Nakon toga se uređaji mogu vizualno sakriti pomoću kliznog okova WingLine L.




Web katalog

sch-ba.sch.local/hettich




Push to move

Laganim pritiskom na prednju stranu vrata se otvaraju automatski i ručno se vraćaju u zatvoreni položaj.



Pull to move

Sa minimalnim povlačenjem ručke, vrata se automatski otvaraju iz kuta otvaranja od 1 ° i manualno se vraćaju u zatvoreni položaj.



Pull to move Silent


Laganim povlačenjem ručke, vrata se automatski otvaraju iz kuta otvaranja od 35 ° i vraćaju se prigušena natrag u zatvoreni položaj.



Olakšan rad u kuhinji

Uštedite vrijeme i korake. Već prilikom planiranja kuhinje razmislite gdje ćete kasnije upotrebljavati predmete. To je ključno za jednostavne radne postupke i tako se čini da se rad odvija zapravo sam od sebe.

Autor A. Kahrmanović
Foto Blum



Stvaranje zaliha

Spremite namirnice na centralnom mjestu. Spremite predmete na način da su vam svi lako dostupni, da ne morate puno hodati i da je pristup predmetima što lakši i jednostavniji. Za velike porodice i ljude koji kupuju u rinfuzi važno je imati dovoljno prostora za skladištenje namirnica. SPACE TOWER iz Blum-a je odlično rješenje.

Dobro poslagano

Posuđe, pribor za jelo i čaše spremite na jednom mjestu. Na taj način postavljanje stola će biti lakše i ugodnije. Ako je u blizini smještena i perilica posuđa, čisto posuđe se može spremi u tren oka. Ukoliko za to želite iskoristiti kutni element, ni to nije problem - SPACE CORNER sa TANDEMBOX i ORGA-LINE će spremi vaše posuđe u kut.



Čistoća i higijena

Higijena je jednako važna kako za pranje, tako i za ispiranje i odlaganje posuđa. U elementu ispod sudopera možete spremati sav pribor i sredstva za čišćenje u TANDERBOX ladicu sa ORGA-LINE. Na ovaj način su lako dostupni i uredno spremjeni.



Kuhanje i pečenje


Pribor za kuhanje i pečenje, kao što su tave, lonci, pribor za kuhanje ili limovi za pečenje, po mogućnosti spremite što bliže štednjaku, pećnici ili ploči za kuhanje. Tako vam je sve ono što je potrebno na dohvat ruke.



Sve pod kontrolom

Idealno mjesto za radnu površinu je mjesto između sudopera i površine za kuhanje. Na taj način skraćujete put do vode, kuhinjske ploče ili kante za smeće. Sa ovog mjesta bi trebali biti lako dostupni noževi, daske za rezanje, začini i slično.

Uvijek
Često
Rijetko



Pravilan raspored

Podijelite svoje predmete u kuhinji na tri grupe: na one koje koristite svakodnevno, one koje koristite često i one koje koristite rijetko. Pobrinite se da ih tako rasporedite i u kuhinji, odnosno tako da su vam predmeti koje najčešće koristite uvijek na dohvat ruke, kako bi izbjegli bespotrebno saginjanje ili istezanje.



Izvlačni okov Pleno Plus

Bilo bi lijepo kada bi sadržaj ormarića kompletan bio vidljiv prilikom otvaranja - a pritom u potpunosti iskoristiti volumen kabineta. Sada ste to u mogućnosti: Peka donosi novitet na tržište sa Pleno Plus izvlačnim okovom. Sadržaj svih policica se izvlači i vidljiv je samo jednim pokretom ruke, a tu je i dodatni prostor bočno na vratima.

Autor A. Kahrmanović
Foto Peka

Dovoljan je jedan potez rukom i vrata ormarića sa okovom Pleno Plus se otvaraju. Sve police, uključujući i gornje, istovremeno se izvlače vani i cijeli sadržaj je odmah vidljiv. Police se impresivno glatko izvlače, toliko lako da ih može i dijete otvoriti. Ipak, da dohvati gornje police, potrebno je i da još malo naraste. Svi ostali korisnici ergonomski lako mogu pristupiti svojim zalihama. Budući da je najviša policica podijeljena, i na njoj možete lijepo pohraniti određene predmete ili namirnice. Pored toga, u vratima ormara su također police - poput onih kod hladnjaka. Na gornjim policama ormarića mogu se staviti veće vrećice i zalihe, na donjim posuđe i pribor za jelo, a na polici vrata manje zalihe, kao što su začini i zdjelice.

Preglednost, ušteda vremena, zaštita namirnica

Gospođa Weber Blattler, zamjenica direktora firme Peka-metall AG, objašnjava koje su to prednosti ormarića sa izvlačnim okovom Pleno Plus: „Sve police se automatski izvlače van ormara prilikom otvaranja vrata i na taj način u sekundi imate pristup kompletom sadržaju. Navedeno štedi dosta vremena, jer ne morate pretrati po policama kako bi našli ono što tražite.“ A kada vam je sve vidljivo, hrana i ostale namirnice se ne mogu pokvariti i propasti. „Pleno Plus je pravi novitet na tržištu, kakvog dosad nije bilo u ponudi“, kaže Weber Blattler. „Niti jedan drugi okov za ormar ne nudi ovakvu kombinaciju -



Er tincie ndemporibus et lam comitis consequiae as
dolenitatur alle sequisegul de lam comim audis incte

velike police gore, srednje dolje, a sa strane male police. Na ovaj način su vidljive i pristupačne police na svim etažama.

Ormar Pleno Plus u ponudi je sa kompletnim setom okova, policama različitih veličina, podesivih po visini i vodilicama za lako otvaranje i izvlačenje. Sa drvenim kutijama i magnetskim pregradama, police se mogu fleksibilno opremiti.



Web katalog

sch-ba.sch.local/fioro



Bočne police, poput onih u hladnjaku, se mogu koristiti za manje posude i začine.



Web katalog

sch-ba.sch.local/libell



Otvaranjem vrata ormara, kompletan sadržaj policia je nadohvat ruke

Lamello

P-System



Clamex P-10



Clamex P-14



Clamex P-Medius
14/10



Tenso P-10



Tenso P-14



Divario P-18




Bisco P




P-System

Spajanje bez uporabe alata
Jednostavno i učinkovito




Brza ugradnja

Umetanje umjesto pričvršćivanja
vijcima ili ljepljenja



Stabilnost

Mogućnost potpunog
uglavljenja velikom površinom



Tolerancija kliznog pomicanja

Tolerancija kliznog pomicanja

Svjetlost stvara ambijent

Sa Flexyled AT6 stvarate impresivan ambijent u svom domu. Flexyled je linearna, fleksibilna LED traka sa 24Vdc, obložena silikonom. Kroz difuzni silikon stvoren je „mliječni“ efekat. Ravno, kontinuirano svjetlo nema vidljivih svjetlosnih tačaka i kreira topao i ugodan ugođaj.

Autor A. Prammer
Foto Domus Line

Instalacija je jednostavna i lagana, nije potrebno ljepljivo niti ljepljive trake. Međani silikonski profil se jednostavno utisne u utor. Razvijena novom tehnikom ekstruzije silikonskih materijala Flexyled AT6 je konstruirana posebno za ugradnju u ravnini s površinom, u utore malih širina od 6 mm i dubina 6 mm. Emisija svjetlosti je s prednje strane, tako da je ova LED traka savršena za ugradnju u savijene površine ili zaobljene rubove. Flexyled AT6 je dostupna u toplo bijeloj (2700 K) i prirodno bijeloj (4000 K) boji svjetlosti, te u dužinama od 200 cm i 300 cm.



Flexyled AT6 je savršeno rješenje za specijalne primjene i tu otkriva svoj šarm.



Web katalog

sch-ba.sch.local/flexyledat6





Sve u jednoj prostoriji

Prostor za skladištenje u modernom stanu je neprocjenjivo dobro. Ostava je ponovo postala moderna. Ostava je ponovo postala moderna. Takva dobro isplanirana prostorija je ostava, soba za peglanje rublja, praonica rublja, soba za recikliranje i skladištenje. U našem web katalogu možete pronaći asortiman proizvoda koji su upravo za ovu namjenu.

Autor S. Blattner
Foto istock/onirdongel

U planovima gradnje, ostava je često zanemarena u odnosu na dizajnerski dnevni boravak, trpezariju ili kupatilo. Ipak, ostava predstavlja istinsku uštedu prostora.

Kada se toj prostoriji da jasna i korisna struktura, druge prostorije dobivaju slobodne površine za još ugodnije stanovanje. Visoki ormari smještaju sve ono što se ne smije vidjeti na prvi pogled: metla, usisavač, čistač prozora, mop, kante, daska za peglanje ili ljestve kao i sredstva za čišćenje i održavanje. Naravno, perilica i sušilica su sastavni dio ove prostorije: I ovdje također, dobro planiranje olakšava život.

Čistoća

Obratite pažnju na to da su električni uređaji integrirani u ormare na odgovarajućoj radnoj visini. Prostor iznad i ispod možete koristiti za deterđent ili neposredno uz ladice kao košaru za rublje, odvojeno za obojeno i bijelo. Sudoper se također može integrisati za eventualno pranje na ruke.

Zalilhe

Ostava je često pozicionirana blizu kuhinje kako bi se mogla koristiti i za pohranu nekih namirnica. Ovdje mislimo na regale na koje se mogu ostaviti staklenke i na ladice



Tamna praonica je prošlost. Boje i dekorativni elementi ostavu čine ugodnom i pritom funkcionalnom prostorijom

u koje se mogu ostavljati flaše. Također, možete pohraniti i električne uređaje koji se rijetko koriste i samo zauzimaju prostor u kuhinji. Nema više slaganja limenki i starog stakla u garaži. U jednoj dobro strukturanoj ostavi, i te stvari imaju svoje mjesto. Bojama, stilskim ormarićima ili biljkama, ostava se uklapa u kompletan koncept stanovanja, spaja funkcionalnost i dizajn i postaje značajan životni prostor gdje su glačanje, pranje rublja ili odvajanje smeća sporedna stvar.

Pored toga, možete odložiti zimsku odjeću, novogodišnje dekoracije, opremu za planinarenje i sportske rekvizite ili alat. Garderobni sistemi, bilo otvoreni ili zatvoreni, pomažu uređenju strukture. Schachermayer nudi perilice, sušilice, sudopere, slavine kao i garderobne sisteme, sisteme za odlaganje smeća... Neka naš web katalog posluži kao inspiracija.



Web katalog

sch-ba.sch.local/webshop





TEHNIKA
KOJA POKREĆE



Jednostavno uvjerljiv

HAUTAU Move

PAMETAN KLIZNI OKOV

Bušenje, postavljanje, pričvršćivanje:
HAUTAU Move možete vrlo brzo ugraditi –
i nije samo zbog toga prikladan za serijsku proizvodnju.
Daje Vam i slobodu da realizirate posebne izvedbe te
oduševljava s još mnogo prednosti.

Primjer za
posebne formate

Prozor s nadsvjetlom



Balkonska vrata



Modularni sistem okova

U modernim zgradama često je velik izazov uvesti velik broj različitih okova za vrata i prozore. Nova FSB-adapter tehnika omogućava veliku fleksibilnost za ugradnju garnitura kvaka ili pojedinačnih dijelova.

Autor A. Prammer
Foto FSB

Srž rješenja je konfiguracija zasnovana na modularnom sistemu. Od narudžbe do montaže, kupci profitiraju zahvaljujući mogućnosti kombinovanja komponenti. Moguće je konfigurirati kompletne garniture ili nabaviti pojedinačne dijelove kako bi sami sastavili okov prema vlastitim zahtjevima. To vrijedi i za različite rezervne dijelove koji se mogu fleksibilno zamijeniti.

Mnoge mogućnosti

Sa 120 FSB pojedinačnih komponenta, koji su dostupni u Schachermayeru, moguće je realizirati 460 kombinacija. FSB ASL garniture sa okruglim rozetama, FSB AGL garniture za objekte i protupožarne kvake prema Ö-Norm B3859 i DIN 18273, ravne ručke na vratima, kvake na prozorima.



Funkcija i stil

Okov je u ponudi u tri izvedbe: aluminij prirodne boje, aluminij crno eloksirani i nehrđajući čelik mat. FSB-adapter tehnika osigurava montažu za kratko vrijeme: Adapter rozeta se montira bez pokrivne rozete i ne mora se pričvrstiti vijcima za kvaku. Rozeta se može zamijeniti u bilo kojem trenutku gradnje jer nije čvrsto vezana za podkonstrukciju. Prijenosom vlačnih i tlačnih sila na cijelu površinu podkonstrukcije rasterećuje se brava i kompletan okov. Na taj način je produžen životni vijek komponenta što predstavlja dodatnu uštedu troškova.



Web katalog

sch-ba.sch.local/fsbaslagl



Ručke za upravljanje



Zahvaljujući kombinaciji ELESA znanja u dizajnu i proizvodnji standardnih plastičnih dijelova, te GANTER stručnosti i preciznosti u proizvodnji metalnih dijelova, ELESA + GANTER se bavi pruža jedinstvenu paletu proizvoda. Jedan od vrhunskih proizvoda su i ručke za upravljanje.

Ergonomija i sigurnost

Operacije stezanja na strojevima ili raznim postrojenjima često se ponavljaju. Savršena ergonomija i sigurno držanje garantiraju učinkovit i siguran postupak stezanja, kao i udobnost za rukovatelja. Ručke za upravljanje dostupne su u različitim veličinama, oblicima i materijalima.

Dostupne su i s graničnikom okretnog momenta, kapicama u boji i površinom mekanim na dodir (za upijanje vibracija i bolje prihvatanje). Dostupne su i izvedbe CleanLine (RAL 9002 bijela) za medicinsku primjenu i izvedbe od nehrđajućeg čelika za područja u kojima je otpornost na koroziju važna.

Zvezdaste sigurnosne ručke

Zvezdaste ili križne ručke omogućuju korisniku snažno, čvrsto i sigurno držanje. Zvezdaste ručke, trozvezdaste ručke, i zvezdaste sigurnosne ručke dostupne su u različitim materijalima, oblicima i površinama. Neke izvedbe ručki zvijezda i križ također su dostupne s kapica u bojama ELECOLORS®.

Nedostatak udubljenja na stražnjoj strani olakšava postupak čišćenja, zatvorena vijčana površina u seriji Hygienic Design omogućuje pričvršćivanje bez praznog prostora. Zvezdaste i križne ručke su izrađene od najkvalitetnijih materijala koji udovoljavaju najvišim zahtjevima na tržištu.



Ručke sa urezom

Narezane ručke ili ručke s bočnim urezima garantiraju maksimalnu ergonomiju i čvrsto i sigurno držanje rukovatelja. Dostupna je široka paleta proizvoda u različitim oblicima, veličinama i materijalima poput nehrđajućeg čelika, čelika, duroplasta itd. Posebna struktura narezanih ručki / vijaka omogućuje fino i precizno podešavanje.

Dostupne su s podnožjem čahurom ili trnom; s podesivim zakretnim momentom (do 6 N / m). Asortiman također uključuje ESD izvedbe izrađene od provodljive plastike (za sprječavanje elektrostatičkog punjenja) i verzije soft-touch (za poboljšano prihvatanje). Mekani dodir poboljšava kontakt s masnim površinama ili znojem s ruku.



Sigurnosne ručke VLS sprječavaju okretanje od strane neovlaštenih osoba. Proces stezanja odvija se kao kod normalne zvjezdaste ručke. Da bi se otpustila mora biti umetnut ključ.



Leptir matice

Leptir matice se uglavnom koriste tamo gdje je raspoloživi prostor vrlo mali. Ergonomski oblik znači da se prsti mogu postaviti na pravo mjesto tako da se može stvoriti što veći pritisak prilikom zatezanja matice.

Leptir matice ili vijci dostupni su u izvedbama od nehrđajućeg čelika ili termoplastike (sa ili bez kapice u boji), sa zaobljenim rubovima ili sa podesivim obrtnim momentom (max. 2N/m ili 3N/m).

Budućnost okova



Najmodernija proizvodna postrojenja jednako su dio strategije kao i optimizacija procesa.

Proizvođač okova Maco je primjer kako održivost i dobro poslovanje idu ruku pod ruku. U izvještaju za budućnost 2021, porodična firma iz Salzburga dokumentuje koju društvenu i ekološku odgovornost preuzima.

Autor A. Prammer
Foto Maco

Maco je osnovan 1947. godine i danas spada među najuspješnije svjetske proizvođače okova. Firma proizvodi kvalitetan okov za prozore, vrata kao i za klizne elemente te kreira inovativna rješenja.

Inovativno razmišljanje

„Svjesni smo da samo održivo i odgovorno djelovanje osigurava dugoročan poslovni uspjeh firme“, kaže Guido Felix, predsjednik Uprave Maco Grupe, povodom objavljivanja prvog izvještaja za budućnost. Kod ovog proizvođača okova, održivost se ne odnosi samo na proizvode za prozore i vrata koji doprinose visokokvalitetnoj, energetske učinkovitoj izgradnji i životu za klimatski neutralnu budućnost. U izvještaju se Maco prvi put bavi mnogim različitim aspektima angažmana u industriji – od brige za okoliš preko biodiverziteta do zaštite zdravlja svojih radnika.

Održivost kao put

U svim proizvodnim i poslovnim procesima firme posvećena je posebna pažnja ekonomskim, ekološkim i socijalnim aspektima. Kao najvažnija komponenta poslovne politike firme, održivost ima značajan uticaj na strategijsko upravljanje firme Maco – i to već dugi niz godina. „Izvještajem transparentno dokumentujemo naš napredak. Jedno je jasno: Želimo učiniti znatno više i puno smo planirali kako bismo bili pionir u oblikovanju problema održivosti u našoj industriji“, objašnjava Daniel Buschta, menadžer za održivost u firmi Maco. Ambicioznih ciljeva ne nedostaje: smanjenje potrošnje materijala za pakovanje, postupno prelaženje na kružnu ekonomiju, održivost u kompletnom lancu dodavanja nove vrijednosti ili reciklaža unutar firme.



Web katalog

sch-ba.sch.local/maco





Globalna harmonizacija

U skladu s harmonizacijom na nivou EU firma Fischer pojednostavljuje imenovanje svojih proizvoda od nehrđajućeg čelika i usklađuje nazive svojih proizvoda od nehrđajućeg čelika prema razredima otpornosti na koroziju uključenim u EN 1993-1-4.

Autor A. Kahrmanović
Foto Fischer Group

Otpornost na koroziju razred 3

Proizvodi od nehrđajućeg čelika, razreda 3 otpornosti na koroziju će ubuduće biti označeni oznakom **R** (Resistant = otporan). Ti se nehrđajući čelici mogu koristiti u suhim uvjetima u zatvorenim prostorima, za vanjsko okruženje izloženo atmosferskim uvjetima (uključujući industrijsko i morsko okruženje) te u trajno vlažnim uvjetima u zatvorenim prostorima.

Primjer sidreni vijak:

Br. artikla 501403 FAZ II 10/10 **A4** postaje

Br. artikla: 501403 FAZ II 10/10 **R**

Otpornost na koroziju razred 5

Proizvodi od čelika razreda 5 otpornosti na koroziju će ubuduće biti označeni oznakom **HCR** (High Corrosion Resistant = visoka otpornost na koroziju).

Jači od uvjeta korozije razreda 3 otpornosti, ovi nehrđajući čelici mogu se koristiti i ako postoje drugi posebni agresivni uvjeti (npr. trajno, naizmjenično uranjanje u morsku vodu ili hloridnu okolinu u zatvorenim bazenima ili okolinu s ekstremnim hemijskim onečišćenjem).

Primjer sidreni vijak:

Br. artikla 501430 FAZ II 10/10 **C** postaje

Br. artikla: 501430 FAZ II 10/10 **HCR**

Na koje Fischer proizvode to utiče?

Promjena oznake imena odrazit će se na cjelokupnu paletu proizvoda i započela je sa sljedećim grupama proizvoda: sidreni vijci **FAZ II**, **FBZ**, **FBN II**, **FXA**, visokoučinkovito sidro **FH II**, podrezana sidra **FZA**, navojne šipke **FIS A** i **RG M** te sidro s unutarnjim navojem **RGM I**. Svi tehnički podaci, brojevi artikla proizvoda i poznata Fischer kvaliteta ostaju nepromijenjeni.



Web katalog

sch-ba.sch.local/sidrafischer





SPAX VIJAK ZA TERASE

**Vijak za terase, drvo na drvo,
nehrđajući čelik A2 i A4.
Lako pričvršćivanje čak i u tvrdom i tropskom drvetu*.**

SPAX prednosti:

- T-STAR *plus* T25
- Cilindrična glava
- Fiksirajući navoj
- SPAX valoviti profil
- *CUT vrh*
- Nehrđajući čelik A2 i A4
- Premaz koji smanjuje trenje
- Ovjerena potvrda o porijeklu

*Za tvrdo drvo se preporučuje predbušenje.

SPAX®



www.spax.com

MADE IN
GERMANY



Nada ima šansu

Udruženje Kukuk Kultur je sebi dalo zadatak da stare brodske kontejnere pretvori u igraonice i pošalje ih tamo gdje je najpotrebnije. Djeca bi trebala kroz terapiju igrom makar na trenutak imati normalno djetinstvo. Spax kao partner projekta podržava udruženje materijalom. Radost u očima djece je najveća nagrada.

Autor A. Prammer
Foto Kukuk, Spax

Spuštanje toboganom, penjanje, upoznavanje novih prijatelja i bezbrižni dani se za našu djecu, osim u vrijeme pandemije, podrazumijevaju. Međutim, u mnogim regijama, to je nažalost nezamislivo. „Svatom djetetu je potreban siguran prostor u kojem se bezbrižno može igrati i boraviti“, kaže Bianca Elgas, voditeljica udruženja Kukuk Kultur. Međunarodnim angažmanom ovo udruženje iz Stuttgarta želi stvoriti neo-

phodna igrališta u kriznim područjima. Kao partner projekta, Spax snabdijeva udruženje potrebnom vijčanom robom za izgradnju Kukuk „kutija“. „Kutije“ se nakon toga isporučuju na terorom, ratom ili prirodnim katastrofama pogođena mjesta, poput Xhanke. Selo na sjeveru Iraka je utočište za hiljade Jezida koji su 2014. godine morali napustiti svoja ognjišta na planini Sinjar zbog ISIL-ovog terora. Uključujući mnogo traumatizirane djece.

Mali koraci - veliki uticaj

Prenamjena kontejnera u prosjeku košta 20.000 eura. „Budući da se finansiramo gotovo isključivo putem crowdfundinga, donacije u naturi pravo su olakšanje.“ Bianca Elgas precizira: „Vijci su od esencijalne vrijednosti za projekat. Potrebno



Za djecu, bezbrižna igra predstavlja sve.

nam je do 2.000 komada po jednom igralištu“. Već četiri godine, Spax pokriva godišnje potrebe udruženja, tako da su igrališta širom svijeta, u Nigeriji, Bosni, Mađarskoj, Poljskoj i čak u Iraku, napravljena zahvaljujući Spax vijcima.

Svojim radom Njemica Bianca Elgas želi vratiti nešto djeci koja dolaze iz manje privilegiranih sredina. „Gradnjom igrališta ne spašavamo svijet. Ali ga time možda činimo malo boljim za djecu“, nada se Elgas. Kontejner za igru u Xhanke-u je vrlo dobro prihvaćen: dnevno se tu igra skoro 250 djece, od kojih su neka iz sirotišta




Web katalog

sch-ba.sch.local/spax



Dodatne informacije

www.kukuk-kultur.de



Vijci za namještaj

SPAX-M pouzdano sprječava cijepanje MDF rubova i može se uvrnati u ravni s površinom bez prethodnog bušenja.

Bilo da su to MDF ploče, stražnje stranice namještaja, drveni elementi ili metalni okovi - za montažu namještaja potrebni su prvenstveno vijci koji su savršeno prilagođeni različitim zahtjevima materijala od drveta. SPAX-M s djelomičnim navojem i tankom glavom omogućuje, na primjer, savršeno povezivanje MDF ploča.

Autor S. Abramović
Foto Spax

Za sigurno pričvršćivanje metalnih okova pogodan je SPAX s okruglom glavom. SPAX vijak s ravnom glavom za stražnje stranice dealan je za pričvršćivanje stražnjih ploča namještaja lesanit ili HDF ploča. Vijak pruža povećanu snagu provlačenja glave prilikom završetka stražnjih stranica namještaja - bez oštećenja ili deformiranja materijala. SPAX s rupom u glavi se jednostavno uvrće bez prethodnog bušenja. Kao dopunak u ponudi su posebne plastične kapice u različitim izvedbama.

Vijak za poledinu korpusa

Korpusi namještaja se uglavnom lako sastoje pomoću isporučених ili standardnih vijaka. Međutim, u nekim situacijama SPAX je puno bolja alternativa. Ovo se prvenstveno odnosi na pričvršćivanje stražnjih stranica namještaja: uobičajeni čavli ili ekseri na rubovima korpusa pružaju vrlo mali otpor izvlačenju, dok su SPAX vijci za stražnje stranice trajnija alternativa i jednostavnije se uklanjaju prilikom npr. selidbe i rastavljanja namještaja.

Vijak za korpuse

Vijci s ravnom glavom za spajanje korpusa zamjenjuju uobičajenu kombinaciju vijaka i čahura: jednostavno se uvrću u rupu od 5 mm, centriraju se i čvrsto privlače dva elementa. Velika, ravna glava vijka lagano raspodjeljuje pritisak na većoj površini i garantirano neće smetati kod ugradnje dodatnih elemenata npr. ladica.

SPAX-M s djelomičnim navojem

SPAX-M s djelomičnim navojem omogućuje savršeno povezivanje MDF materijala i ploča s tankim zidovima izrađenih od materijala na bazi drveta. MDF ploče za namještaj su komprimirane ploče srednje gustoće (Medium Density Fibreboard, to znači da je riječ o homogenim konstrukcijskim pločama vrlo finih pora, čiji se rubovi, za razliku od iverice ili grube iverice, mogu pričvršćivati vijcima ili ekserima. Međutim, ako rupe za vijke na rubovima nisu prethodno izbušene, MDF ploče imaju tendenciju ispupčenja ili cijepanja na rubovima. Sa vijkom SPAX-M to se neće dogoditi: kombinacija samobušjećeg CUT vrha, oštrog valovitog profila vijka i male glodajuće glave 75 ° za upuštanje vijka u ravninu s površinom, osigurava spajanje MDF elemenata bez ikakvih problema, sa preporukom da je udaljenost od ruba ploče najmanje 25 mm.



Web katalog

sch-ba.sch.local/spaxiver





Izbušene rupe se odlamaju, premašuju najveću dopuštenu veličinu i povećavaju se svakim pokušajem zavrtnanja, a prikladna tipla odjednom više nikako ne drži? Uzrok su često tipične greške u primjeni. Ukoliko nam nije poznata zidna konstrukcija, koristit ćemo Fischer Duopower tiplu. Inteligentna dvokomponentna tipla je namijenjena za pričvršćivanje u svim materijalima, što omogućava široko područje primjene samo jedne tiplje.

Autor A. Prammer
Foto stylephotographs / 123rf; Fischer Group

Rupa nije dovoljno duboka

Ako je dubina izbušene rupe premala, vijak će se brzo naći na dnu rupe, te može puknuti ako nastavite da ga okrećete. Navedeno treba izbjeći pod svaku cijenu. Osnovno pravilo je: promjer izbušene rupe treba da se podudara sa veličinom tiplje. Pritom, vijak se mora moći dovoljno duboko uvrnuti. Da bi se to postiglo, vijak mora biti dulji od tiplje i debljine dijela kojeg pričvršćujete.

Prekratka tipla

Posebno je važno odabrati odgovarajući alat kojim će se rupa izbušiti i postaviti tipla. Udarna bušilica važi za univerzalan alat dok se kod tvrdog betona treba koristiti čekić bušilica. – Suprotno od slučaja kada su u pitanju drugi materijali poput perforirane cigle. Ukoliko se tad radi sa čekić ili udarnom bušilicom, drastično se smanjuje nosivost.

Pogrešna metoda bušenja

Struktura zida nije uvijek poznata, pogotovo kod unajmljenih stanova. Ko ipak želi nešto pričvrstiti na zid, najbolje je prvo izvršiti probno bušenje. Na taj se način građevinski materijal može odrediti na temelju prašine koja se stvara bušenjem. Važno je znati da se buše nosivi materijali. Česta greška je pričvršćivanje u gipsu ili nenosivoj podlozi. Stoga je bolje unaprijed odrediti potrebnu duljinu tiplje kako bi se mogla sigurno usidriti u noseću podlogu.

Pogrešna primjena hemijskih tiplje

Majstori već dugo vremena koriste injekcijske sisteme. Kada ne potroše cijelu kartušu, rado okrenu mješalicu i zatvore kartušu. Zbog toga se učvršćivač može zalijepiti za unutrašnjost kartuše. Pri narednoj upotrebi, istisne se samo sredina. Kasnije se proizvod više ne može stvrdnuti te čak ni nakon dužeg čekanja se u njega ne može usidriti. Injekcioni mort se može duže koristiti sve dok se skladišti na dovoljno tamnom i hladnom mjestu.

Korišteno svrdlo

Ostalo vam je samo da pričvrstite ogledalo na betonski zid. Svrdlo već izgleda poprilično istrošeno ali novo još uvijek ne dolazi u obzir. Oprez: Ako radite s jako istrošenim alatima, imat ćete poteškoća s postavljanjem sidra, posebno u betonu ili u slučaju da dođete do armature - tiplje/sidro se ne može postaviti dovoljno duboko i stršit će iz rupe.



Web katalog

sch-ba.sch.local/fischer





GO! smart

Digitalna libela GO!smart firme SOLA kombinira funkcije libele, mjeraca nagiba i kutomjera u jednom uređaju. Opremljen osvjetljenim zaslonom i magnetnom površinom s V-utorom, ovo je kompaktan višenamjenski uređaj. Zahvaljujući Bluetooth tehnologiji, GO! smart se može koristiti zajedno s besplatnom aplikacijom SOLA Measures i praktičnim dodatnim funkcijama.

Autor S. Abramović
Foto Sola

GO! smart mjeri nagibe i kutove s najvećom preciznošću. Zahvaljujući kompaktnom obliku i integriranim magnetima, uređaj je, između ostalog, idealan za podešavanje kuta listova pile. Razvijen za najviše zahtjeve u pogledu točnosti, GO! smart garantira precizno izmjerene kutove kod kosih rezanja. Mjerne vrijednosti prikazuju se u °, % (stupanj/procent), mm/m (milimetar/metar) i in/ft (palac/stopa). S funkcijom „Hold“, trenutne izmjerene vrijednosti mogu se „zamrznuti“ na zaslonu, a kut se lako može prenijeti pomoću funkcije „Inc“.

Savršeno očitavanje u svakom položaju

Bilo u normalnom ili obrnutom položaju - praktični GO! smart se može koristiti na više načina. Zahvaljujući jakim magnetima i integriranom V-utoru na donjem dijelu, GO! smart se čak i na cijevima održava bez klizanja. Kod obrnutog ili okrenutog

mjerenja, digitalni osvjetljeni zaslon se automatski okreće. Optimizirani ekran omogućuje jasno očitavanje rezultata mjerenja iz svakog kuta.

Kompaktna veličina - koncentrirana snaga

S duljinom od samo osam centimetara, kompaktan GO! smart nalazi svoje mjesto u svakom koferu za alat. Zahvaljujući torbici za remen koja je uključena u opseg isporuke, GO! smart se može se u bilo kojem trenutku pričvrstiti na remen, spreman za upotrebu.





Zahvaljujući Bluetooth tehnologiji, GO! smart se može koristiti zajedno s besplatnom aplikacijom SOLA Measures

Pametne dodatne funkcije SOLA Measures

Raditi učinkovitije i štediti vrijeme - besplatna aplikacija SOLA Measures to omogućuje. Aplikacija bežično putem Bluetooth tehnologije povezuje GO! smart s mobilnim uređajem i nudi brojne korisne funkcije. Primjerice, izmjerene vrijednosti mogu se prenijeti na mobilni uređaj u stvarnom vremenu ili se funkcije na mjernom uređaju mogu kontrolirati putem aplikacije. Podaci u stvarnom vremenu, poput datuma i vremena, automatski se bilježe u preglednu memoriju pri svakom mjerenju. Uz to, svakoj izmjerenoj vrijednosti mogu se dodati bilješke, fotografije i videozapisi. Praktičan alat u aplikaciji je Foto-Overlay Export. To znači da se stvarne radne ili mjerne situacija mogu fotografirati mobilnim uređajem, pri čemu se podaci u stvarnom vremenu poput izmjerene vrijednosti, datuma i vremena prikazuju i spremaju izravno na fotografiju. Tako se rezultati mjerenja mogu brzo i jednostavno podijeliti s timom. Zahvaljujući jednostavnoj navigaciji kroz izbornik, aplikacija je razumljiva i jednostavna za upotrebu. Pogodna je za iOS i Android.



olakšana kupovina uz Portal za partnere



WEBKATALOG



SCAN



KOŠARICA



SERVISI

The screenshot shows a website interface with a navigation bar at the top containing 'web katalog', 'Katalog', 'Košarica', 'Poduzeće', 'Popis artikala', 'Dokumenti', and 'Kreiranje etiketa'. Below the navigation bar is a search bar with 'Sve kategorije' and a search icon. The main content area is divided into several sections, each with a title and a list of products with their counts:

- Alati - električni alati - zaštita na radu**
 - Ručni alati (6285)
 - Električni alati (310)
 - Napajanje strujom - rasvjeta (48)
 - Akumulatorski alati (50)
- Okov za građevinsku stolariju**
 - Spojnice (761)
 - Zasuni (158)
 - Brave (859)
 - Panik program (369)
 - Tehnika zaključavanja (795)
 - Brtve (545)
 - Zatvarači za vrata (357)
 - Klizni okovi (575)
 - Okovi za staklo, sustavi za ograde, nosači rukohvata (523)
 - Kvake (2169)
 - Pribor za ulazna vrata (50)
 - Poštanski sardučići (31)
- Okovi za namještaj**
 - Rasvjeta i tehnika (1424)
 - Ukrasni okov za namještaj (2223)
 - Spojnice (764)
 - Podizni okovi (282)
 - Izvlačni sustavi za ladice (1881)
 - Okovi za klizna vrata namještaja (845)
 - Sustavi bravica za namještaj (582)
 - Nosači policia i konzole (268)
- Okovi za krevete**
 - Okovi za krevete (51)
 - Spojni okovi (515)
 - Pomagala pri obradi / šablone (65)
 - Unutarnja oprema za kuhinje (2007)
 - Dekoracija doma (573)
 - Sustavi okova za krevete (133)
 - Uredski program & opremanje objekata (479)
 - Postolja za stolove i korpuse (994)
- Metali**
 - Aluminij (419)
 - Nehrđajući čelik (165)
 - Bakar (10)
- Skladišna oprema**
 - Arbeitsplatzsysteme (22)
 - Stalci za bicikle, zaporni stupovi (41)
 - Kotačidi i valjci (95)
 - Dizalica za dizanje (31)
- Priljučna tehnika**
 - Priljučna tehnika za montažu terasa/fasada (112)
 - Priljučnica solarnih sustava (11)
 - Montažni program za prozore i vrata (375)
 - Tipke / Sidra (952)
 - Žičani dijelovi (167)
 - Savje, lanci, pribor (168)
 - Žice i čavli (168)
 - Priljučni elementi za saniranje i električne instalacije (179)
 - Žice i čavli (168)
 - Spojni okov i pribor za drvene konstrukcije (639)
 - Asortimani (29)
 - Mala pakiranja (231)
 - SB-program / Q-Speed (3)
- Okovi za namještaj SB-program** (80)
- Okov za građ.stolariju** (29)
- Program za sigurnost djece** (11)
- Proizvodi za kućanstvo** (6)
- Alati i zaštitna oprema** (7)
- Opremanje trgovina** (33)

A large QR code is centered on the page, likely linking to the partner portal. The bottom of the page shows a URL: https://webshop.schackermayer.com/cat/hr-BA/products/mala-pakiranja/10000_37115_1

- 44 Luksuzno kampovanje
- 46 Lumberjack

U praksi

TECTUS - potpuno skrivene spojnice

Luksuzno kampovanje

„Čovjek ne putuje zbog odredišta, nego zbog samog putovanja“, napisao je Johann Wolfgang von Goethe. Slične poglede ima i Alexander Tollerian, austrijski graditelj aviona i strastveni kamper koji je napravio pravo malo čudo: kabinu za kampovanje Sunny Slide Out. Jednostavno kabinu stavite na stražnji dio kamioneta, i putovanje može početi.

Autor S. Blattner
Foto Wohnkabine/Tollerian, M. Hartl



Sunny Slide Out kabina se lako postavlja na kamp mjesto.



Kabina odgovara uobičajenim modelima kamioneta poznatih auto marki.



Kada neko poput Alexandera Tolleriana još kao malo dijete vrijeme provodi praveći modele aviona, u radionici ili posjećuje događaje iz moto sporta radije nego što igra fudbal, već tad se nazire njegov životni put. Ovaj Austrijanac avanturista je u moto-sportu i jedriličarstvu skoro 25 godina.

Promijenio je mnogo mjesta za spavanje: na početku u divljini, u vreći za spavanje na planini na startnom mjestu za palaglajdere ili pod zvjezdanim nebom na krilu

aviona. Udobnije je postalo na safariju sa krovnim šatorom za terenski automobil. Tek kao porodični čovjek, Alexander je svoju ideju o kabini za kampovanje sproveo u stvarnost.

Mobilni prostor

Kabina bi trebala biti prostrana, fleksibilna za upotrebu i kompatibilna sa svakim kamionetom. Čitavih 15 godina se ovaj projekt menadžer i graditelj lakih letjelica, koji je radio za firme poput Carbo Tech, Diamond Aircraft ili Gramiller, mučio sa svojim projektom – kabinom Sunny Slide Out. Alexander Tollerian sa ponosom naglašava: „Tako nešto još uvijek ne postoji na europskom tržištu kampera. Postigli smo 20% više prostora u kabini. To znači: četiri ugodna mjesta za spavanje, četiri udobna mjesta za sjedenje, kuhinja sa sudoperom i uređajima za kuhanje i velikom radnom površinom, dovoljno prostora za pohranu, grijanje, toalet i tuš.“ Ono što je odlično: Na mjestu odmora, kabina se jednostavno spušta s kamioneta i može se koristiti bez prepreka, bez razlike u visini prilikom ulaska i izlaska.

U vrijeme kada nisu odmori, kabina može biti u garaži ili pod nadstrešnicom, a kamionet se može normalno koristiti za svakodnevnu upotrebu. Manje mjesta, manje napora u odnosu na kamper ili kamp prikolicu.

Više avanture

Mjesto prilikom kampovanja je dragocijeno. Toliko je i očaravajući prostor koji imate na raspolaganju u Sunny Slide Out kabini. Nakon što se „otklopi“ bočni dio, stvara se dovoljno prostora za četveročlanu porodicu. I to mnogo lakše nego drugdje: u poređenju sa američkim Slide Out modelima, kod ove austrijske kabine naglasak je stavljen na laganu konstrukciju od visokokvalitetnih materijala, sofisticiranu tehnologiju i najviše sigurnosne standarde. Alexander Tollerian: „Sa našim kamperom možete ići gdje god želite. Razmak od tla, upravljivost i pogon na sve točkove znači još više avanture. Sve je proizvedeno u Salzburg-u, mojim vlastitim rukama. To je kvalitet iz Austrije.“ Kabina Sunny Slide Out odgovara za sve kamionete (pickup) srednje veličine svih proizvođača automobila dostupnih na europskom tržištu.



Više informacija

www.wohnkabine.at



Kabina nudi sve što je potrebno jednom kamperu, za što ugodniju avanturu.



Multitalent Sunny Slide Out kabina: Za samo nekoliko trenutaka, prostor za spavanje postaje udobna trpezarija sa mjestima za sjedenje za četiri osobe.





Lumberjack: organsko na planini

Podići gastronomiju na planini na nove noge i osvojiti srca gostiju bio-ponudom, bila je ideja vodilja jedinstvenog austrijskog projekta „Lumberjack“. Ideja je realizovana na impresivan način na Shuttleberg Flachauwinklu. Sjajnim pionirskim radom za održivu budućnost planina, Lumberjack postavlja nove standarde. Skijaške kolibe su prošlost – moderna BIO-Food-sala je sadašnjost. Ovaj hrabri koncept je realizovan posvećenim ručnim radom i očaravajućim detaljima i čeka svoje prve goste. Fleksitarci, vegetarijanci i vegani razmaženi su izvrsnim regionalnim delicijama u srcu Ski-Amadéa. U budućnosti će razni ugostitelji na osam različitih stanica nuditi svoja regionalna organska jela.

Autor A. Prammer
Foto Lumberjack, Austro Metall GmbH

Vrijeme za gradnju je bilo ograničeno, motivacija visoka, a izvedba na najvišem profesionalnom nivou. Od sredine juna 2020 do decembra 2020 ambiciozni planovi su provedeni i u praksi. Pojedinačni obrti uspostavljeni su u samo nekoliko mjeseci s regionalnim profesionalcima. Stolarija Rettensteiner iz austrijskog grada Flachau je bila zadužena za sve stolarske radove kao i za sav namještaj, dok je Austro Metall GmbH odradila sve kompleksne metalne konstrukcije – obje firme su Schachermayer kupci u Austriji.

Održivi šarm

„Za nas je ovaj projekt naravno bio jedan veliki ali i lijep izazov. Složena izvedba interijera zahtijevala je mnogo vještine i inovativnih posebnih rješenja, koja ujedno predstavljaju čar nove gastro-dvorane“, objašnjava Ernst Rettensteiner, direktor stolarije. Dizajnirani detalji kreću se od sjenila za lampe do udobnih



sjedećih garnitura kao i panorama prozora. Rukotvorine se također mogu naći, na primjer, u obliku namještaja, svjetiljki, natpisa ili nosača za skije, od kojih je svaki proizveden kao unikatan komad, što naglašava poseban karakter ovog jedinstvenog projekta. Pritom je korišteno samo austrijsko domaće drvo poput smreke, ariša ili hrasta.

Mobilne garniture za sjedenje

Posebni zahtjevi i želje graditelja su bile vezane i za terasu. Pokretni stolovi i klupe koji se mogu prenijeti na metalnim tračnicama ugrađenim u pod vani na terasu, kad je lijepo vrijeme - brzo, jednostavno i lako. Tračnice su savršeno



Novi koncept je jedinstven u Austriji.



Lumberjack uz mnogo detalja posjeduje održivi šarm. Sa mnogo posvećenosti, pazilo se na sitnice kako bi se stvorila perfektna ukupna slika. Soloarija Rettensteiner kao i Austro Metall su ovdje ispunili posebne zadatke koji su imali značajan uticaj na karizmu nove BIO gastro dvorane.

ugrađene u pod, tako da nema rizika da se gosti spotaknu. Pored toga, terasa se grije posebnim podnim grijanjem kako bi se osiguralo da sve radi bez problema čak i na vrlo niskim temperaturama.

Veoma smo ponosni i zahvalni što nam je pružena prilika da budemo dio ovog posebnog projekta. Ovo dugoročno partnerstvo vrlo je dragocjeno za našu malu firmu i ispunjava nas zahvalnošću i ponosom“, kaže upravitelj Rettensteiner s oduševljenjem o uzbudljivom projektu.

Metalogradnja u posebnom formatu


Firma Austro Metall također dolazi iz okolice i ovdje je radila s regionalnim obrtnicima i materijalima. Kao klasična regionalna bravarija, specijalizovani su za

čelične konstrukcije kao i za staklene fasade. U unutrašnjost su ugrađeni i posebni detalji. Ograda gornje galerije izvedena je mrežama od crnog čelika i nehrđajućeg čelika, i lijepo i skladno se uklopila u cjelokupni dizajn. Sa visećim mostom koji se proteže preko jednog dijela gastrodvorane, Austro Metall implementirao je važan ručni rad, koji s jedne strane pruža uzbudljive poglede, a s druge strane savršeno inscenira novi koncept svojim posebnim šarmom. Most je prethodno izrađen pomoću trodimenzionalnih planova gradnje, a zatim sastavljen. „Za nas je, naravno, bilo puno novih izazova s ovim projektom, jer su svi metalni dijelovi koje smo ugradili morali biti pojedinačno proizvedeni i posebno prilagođeni. Izrada i individualni šarm nove kolibe Alm očituju se u mnogim malim detaljima“, objašnjava Josef Fischbacher iz Austro Metall-a. Cjelokupna dodana vrijednost projekta ostaje u regiji i naravno predstavlja dio ukupnog


održivog koncepta. Osim toga, na krov je instaliran fotonaponski solarni sistem, koji će pokrivati kompletnu površinu krova. I ovdje je Austro Metall uspio pokazati svoje sposobnosti za posebna i inovativna rješenja. „Alpski uslovi zahtjevaju mnogo posebnih rješenja, o kojim se prvo mora dobro razmisliti i isplanirati. Važan dio uspješne provedbe projekta su bila brza, fleksibilna i jednostavna rješenja iz Schachermayera“, slažu se Ernst Rettensteiner i Josef Fischbacher.



Više informacija
www.lumberjack.at



Viseći most iznad dvorane je bio poseban izazov.



Ograda bezvremenskog dizajna



eRukohvat HandsFree – beskontaktno i praktično

Došli ste do ulaznih vrata punih ruku?

S eRukohvatom HandsFree od HOPPE-a ulazna vrata možete otključati komotno bez kontakta: dovoljan je pokret stopala kroz svjetlosni snop ispod rukohvata. Jednostavno, sigurno i bez potrebe da nešto odlažete iz ruku – pametno zar ne?

Obilježje proizvoda

